



Fil
499.2186
.F963s
1981
c.1

Si Hugo

Ang Pahamak na Hunyango




Kuwento at Guhit ni
CHARLES FUNK



Kuwento at Guhit ni
CHARLES FUNK

Ang hunyango ay may pambihirang katangian.
Nagiging kakulay ito ng bawat makapitan.
Dahil dito, ang hunyango ay mahirap
makita ng kaniyang kalaban.





Pero itong si Hugo
ay naiiba sa mga kasamang hunyango.

Sa halip maging kakulay ang kaniyang makapitan,
ang kulay ni Hugo ay magiging kabaligtaran,
kaya kitang-kita siya ng iba.



Minsan, nagtago sa berdeng dahon si Hugo.
Sa halip maging berde, naging pula ang kulay
ni Hugo, kaya siya'y nabisto.



Iniligtas ng mga kasama si Hugo
pero nagrekamo ang mga ito,
"Muntik ka nang mapahamak, Hugo.
Bakit kabaligtaran ang naging kulay mo?"





Muling nagtago sina Hugo sa balyan
na asul ang damit.
Naging asul ang kulay ng kaniyang mga kasama,
pero si Hugo ay naging kulay kahel.
Kaya si Hugo ay agad napansin
ng uwak na naghahanap ng pagkain.

Iniligtas ng mga kasama si Hugo
pero nagreklamo ang mga ito,
"Bakit naging baligtad ang kulay mo, Hugo?
Muntik na tuloy mapahamak ang ating grupo!"




Nagtakbuhan sila sa dayaming dilaw.
Ang lahat ay naging kulay dilaw
maliban kay Hugo na naging biyoleta ang kulay.
Nakita siya ng naistorbong kalabaw,
at si Hugo ay bigla nitong sinalakay.



Iniligtas ng mga kasama si Hugo
pero nagreklogo ang mga ito,
"Talaga bang pahamak ka, Hugo?
Anong klase kang hunyango?"



Humuwi sa tirahan sa gubat ang grupo.
Pagod na pagod sila sa kaliligtas kay Hugo.
Galit na galit sila kay Hugo
dahil sa maling pagpapalit ng kulay nito.
Nang gabing iyon, hindi makatulog si Hugo.



Walang ano-anó'y nakaamoy ng usok si Hugo.
"Nasusunog ang gubat!"
Nagising at nalito ang lahat ng hunyango.
Dahil itim ang kulay ng usok,
Naging itim ang kulay ng lahat ng hunyango.



Pero hindi itim ang naging kulay ni Hugo.
Pagkat naging puti ang kaniyang kulay,
si Hugo ay agad nakita ng mga kasamahan.
Sinundan siya ng mga ito sa ligtas na daan,
palabas sa nasusunog nilang tirahan.



Si Hugo ay biglang naging sikat na hunyango.
"Maraming salamat sa iyong ginawa, Hugo,"
sabi ng kaniyang mga kasama.
"Kung hindi naging puti ang kulay mo,
baka napahamak ang buong grupo."

